

## 09.03 PROFIL

---

### **Andri Poo: «Senza naiv or da chanuns n'avessi dà nagina stagiun d'enviern»**

*Il spagat tranter persistenza e promoziun da l'economia stoppia funcziunar per garantir in avegnir per generaziuns futuras, di il directur da las pendicularas Scuol.*



El saja in uman da la natira che chatta adina puspè recreaziun en quella. Sco directur da las Pendicularas Scuol Motta Naluns, porta Andri Poo er ina gronda responsablada. Saja quai economicamain, ecologicamain ed er socialmain. L'um sportiv da Sent passenta ses temp liber sche pussibel adina faschond sport en la natira. La colliaziun cun quella sa tira sco in fil cotschen tras la vita dal magister da skis patentà e guid da muntogna. Andri Poo viva cun sia famiglia a Sent, nua ch'el è er creschì si. La patria saja adina stada l'Engiadina. Perquai ha el passentà durant il studi dad inschigner a Rapperswil mintga fin d'emna en patria. Furmà ed influenzà la vita dal Sentiner da 49 onns haja surtut sia lavur da svilup en l'Ecuador.

*Redacziun: Anna Caprez*